



## KOMUNIKADU IMPRENSA

### **Centro Chega! Parseria Ho UNESCO-KOICA Fo Formasaun TOT Ba Formadores no Fasilitadores**

Dili - (16 Abril 2025), Centro Nacional Chega! I.P, United Nations Educational, Scientific and Cultural Organization (UNESCO), Korea International Cooperation Agency (KOICA) kontinua fo formasaun Training Of Trainers (TOT) ba Formadores no Fasilitadores kona-ba modul formasaun ba manorin istória nian terseiru siklu no ensinu sekundariu, ne'ebé realiza durante loron 3 hahu (14-16 Abril), iha Salaun São João Paulo II, Comoro-Dili.

Objetivu husi formasaun ne'e mak, atu fortalese kompetensia, kontéudu inklui pedagogia, liu-liu aproximasaun ne'ebé apresenta iha modul formasaun ne'e hodi fasilita di'ak liu tan prosesu transferensia koñesimentu no abilidade iha formasaun ba manorin Ensinu Baziku Terseiru Siklu no Ensinu Sekundariu.

Materia durante formasaun mak, Filozofia no abilidade pedagogika sira ba edukasaun transformativa, Pre-istória no pre-kolonial, Istória kolonializmu portugues, Istória funu mundial II no rekolonizasaun Portugues, Istória dezkolonizasaun, funu maun-alin no invazaun, Istória rezisténsia (estrategia baze de apoiu), Istória rezisténsia (estrategia gerillia), Istória partisipasaun feto, Istória governasaun tranzisaun no ukun rasik-an, Istória ba haburas dame liu husi dezentvolvimentu sustentavel, Istória ba haburas dame liu husi hasa'e konsiensia sidadania global no seluk tan.

Enkuantu, atividade formasaun ne'e hola parte iha Projetu UNESCO kona-ba "Digitalization of Chega National Center For Conflic Reconcilatation and Peacebuiding in Timor-Leste".

– Remata –

#### **Ba informasaun liu tan kontaktu:**

Raimundo Sarmento Fraga

Ofisiál Média no Komunikasaun

Email: [rsfraga@centrochega.gov.tl](mailto:rsfraga@centrochega.gov.tl)

Nú. kontaktu: 7874 0345

Boilerplate

**Centro Nacional Chega! I.P**, *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabelese ho dekretu Lei n.º 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória



# Centro Nacional Chega!l.P



## *Da Memória à Esperança*

---

passadu nian, moris iha dame, no respeitu ba direitus umanu". Nia misaun mak: "Harii sentru Pós-konfliktu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Finál *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne'ebé relevante".